



DRŽAVNA AGENCIJA ZA ISTRAGE I ZAŠTITU UHAPSILA ŠEST OSOBA U AKCIJI "POTENCIJAL"

Pali zbog prostitucije i šverca kamagre

Žrtve:
Na području Tuzle prilikom pretresa zatečene četiri ženske osobe, potencijalne žrtve trgovine ljudima

Danica POPOVIĆ

SARAJEVO - Pripadnici Državne agencije za istrage i zaštitu (SIPA) uhapsili su šest osoba u akciji "Potencijal", pod sumnjom da su umiješane u seks trafikingu i trgovinu sredstvima za potenciju.

Prema nezvaničnim informacijama, uhapšeni su Niko Đorđić (23), Senaid Serhatlić (48), Esmeralda Mešanović-Isabegović (40), Mladen Smoljić (48), Dušan Sladojević (43) i Simo Mitrović (25).

Njih terete da su kao organizovana kriminalna grupa, medikamente i stimulaturna sredstva porijeklom iz Indije švercovali iz Mađarske u BiH. Pored toga, na teret im stavljaju da su se bavili trgovinom ljudima radi seksualne eksploatacije.



Iz SIPA su, navodeći inicijale uhapšenih, kazali da su tokom akcije pretresli objekte na 12 lokacija i to na području Tuzle, Živinica, Bijeljine, Brčko distrikta, Ugljevika i Mrkonjić

Grada.

"Prilikom pretresa pronađena je i privremeno oduzeta veća količina medicinskih preparata, čija proizvodnja, trgovina i stavljanje u promet nisu dozvoljeni

bez odobrenja Agencije za lijekove i medicinska sredstva BiH, kao i drugi predmeti koji mogu poslužiti kao dokaz u daljem postupku", kazali su iz SIPA.

Na području Tuzle su, prili-

kom pretresa jednog objekta, na licu mjesta zatečene četiri ženske osobe, potencijalne žrtve trgovine ljudima, koje su na adekvatan način zbrinute.

Iz Tužilaštva BiH su saop-

štili da je akciji "Potencijal" prethodila višemjesečna istraga, a da je sprovedena po naredbama Suda BiH i Tužilaštva BiH, a u saradnji s policijskim službenicima MUP-a RS i policije Brčko distrikta.



UVOZ

Medikamente i stimulaturna sredstva porijeklom iz Indije uvozili iz Mađarske u BiH

Izvor "Nezavisnih" blizak istrazi kazao nam je da su pronađene djevojke punoljetne i da su porijeklom iz BiH.

"Oni su djevojke prisiljavali na seks sa drugim osobama, a zato uzimali novac. Novčana vrijednost zaplijenjenih tableta, tačnije kamagre i vijagre, se procjenjuje na oko 30.000 KM", kazao je naš izvor.